



**SIARAN AKHBAR  
JABATAN BURUH  
KEMENTERIAN HAL EHWAL DALAM NEGERI**

---

**SIDANG MEDIA BAGI PERLAKSANAAN PROSES BARU PERMOHONAN LESEN  
PEKERJA ASING (LPA) JABATAN BURUH**

Jabatan Buruh, 27hb September 2016.

Jabatan Buruh, Kementerian Hal Ehwal Dalam Negeri telah mengadakan Sidang Media bagi pelaksanaan proses baru permohonan Lesen Pekerja Asing (LPA) Jabatan Buruh bertempat di Dewan Serbaguna, Bangunan Kementerian Hal Ehwal Dalam Negeri. Hadir selaku pengerusi ialah Yang Mulia Tuan Haji Idris bin Haji Md.Ali , Timbalan Setiausaha Tetap Kementerian Hal Ehwal Dalam Negeri.

Dalam sidang media tersebut yang mulia pengerusi memaklumkan bahawa Jabatan Buruh akan memperkenalkan dasar baru dalam pengambilan pekerja asing yang mana dasar tersebut melibatkan penggabungan proses di antara lesen pengambilan pekerja asing dan sokongan pas kerja (BUR 500 / BUR 555)..Proses permohonan ini dikenali sebagai **Lesen Pekerja Asing (LPA)**. Dasar ini merupakan antara perancangan yang terkandung di dalam Pelan Strategik Jabatan Buruh.

Perlaksanaan proses baru Lesen Pekerja Asing ini bertujuan dalam memberikan perkhidmatan yang berkualiti dan efisien serta memudahkan dan menyenangkan orang ramai berurusan ke Jabatan Buruh di mana proses yang baru ini dapat **dipercepatkan dan dipendekkan** dari 41 hari waktu bekerja kepada 9 hari waktu bekerja dan juga mengurangkan 12 langkah ke 7 langkah **proses di Jabatan Buruh sahaja**. Dari itu, sistem lesen pengambilan pekerja asing secara berkuota ditiadakan.

Dari segi kemudahan proses baru ini, agensi-agensi yang berkaitan juga ditempatkan di kaunter-kaunter Jabatan Buruh iaitu Agensi Pembangunan Tenaga Kerja Tempatan (APTK), Jabatan Imigresen dan Pendaftaran Kebangsaan supaya pemohon tidak berulang-alik ke jabatan-jabatan berkenaan.



Disamping itu, ia juga bertujuan untuk mendokong hasrat Negara kearah persekitaran yang *pro-business*, dan mengutamakan penduduk-penduduk tempatan dalam pengambilalihan jawatan-jawatan dalam sektor industri yang dipegang oleh pekerja asing yang mana akan diisikan oleh pekerja tempatan secara berperingkat-peringkat dengan memperkenalkan Nisbah Tempatan Asing (NTA).

*Pilot Test* telah dilaksanakan pada 6hb September 2016 yang mana beberapa syarikat dan agensi pekerjaan telah diberikan taklimat ringkas mengenainya sebelum mereka menghadapi permohonan.

Setakat ini, sebanyak 22 permohonan telah diterima, dan dari jumlah tersebut, sebanyak 15 permohonan telah diluluskan dalam tempoh TPOR yang ditetapkan bagi pengeluaran Lesen Pekerja Asing (LPA) sahaja iaitu 7 hari bekerja.

Permohonan Lesen Pekerja Asing (LPA) ini memerlukan pemohon untuk mendapatkan keperluan-keperluan seperti dinyatakan di bawah sebelum menghadapi permohonan Lesen Pekerja Asing ke Jabatan Buruh:

- i. Mendaftar di Agensi Pekerjaan Tempatan dan Pembangunan Tenaga Kerja (APTK)
- ii. Menyertakan senarai pekerja-pekerja tempatan yang disahkan oleh Tabung Amanah Pekerja (TAP) melalui e-Amanah;
- iii. Menyertakan sokongan atau pengesahan agensi Kerajaan yang lain jika diperlukan

Berikutan pengenalan proses baru ini, beberapa perubahan utama akan dilaksanakan seperti berikut:

- Proses pengambilan pekerja asing di Jabatan Buruh dikurangkan dari 12 langkah kepada 7 langkah;



- TPOR proses pengambilan pekerja asing di Jabatan Buruh dikurangkan dari 41 hari bekerja kepada 9 hari bekerja termasuklah pembayaran wang taruhan dan menandatangani kontrak;
- Kemestian menggaji penduduk-penduduk tempatan bagi setiap syarikat melalui penentuan jumlah pekerja asing berdasarkan peratus nisbah yang telah ditetapkan oleh Jabatan Buruh berdasarkan kepada nisbah tempatan asing (NTA) yang telah dipersetujui dan disahkan oleh agensi-agensi Kerajaan yang berkepentingan mengikut sektor;
- Pemeriksaan Jabatan Buruh akan dilakukan selepas lesen dibenarkan yang mana sebelumnya lazimnya dibuat sebelum permohonan dibenarkan. Walaubagaimanapun bagi sektor pembinaan memerlukan pemeriksaan sebelum dan selepas permohonan diluluskan.

Dalam hubungan ini, sukacita memaklumkan bahawa proses baru ini akan mula berkuatkuasa pada hari **Sabtu, 1 Oktober 2016**, bersamaan dengan 29 Zulhijjah 1437 iaitu bagi permohonan lesen baru. Manakala permohonan lesen tambahan akan bermula pada 1 Januari 2017 dan permohonan membaharui lesen akan bermula pada 1 April 2017. Permohonan lesen baru bagi syarikat secara *online* adalah dengan ini diberhentikan bermula 1 Oktober 2016

Untuk makluman juga, jerayawara-jerayawara akan diadakan di setiap daerah bagi memberikan penerangan lebih lanjut kepada pihak majikan dan pihak-pihak yang berkepentingan.

Untuk sebarang penerangan lanjut mengenai proses permohonan Lesen Pekerja Asing (LPA), para majikan dan pihak-pihak yang berkepentingan bolehlah melayari laman sesawang Jabatan Buruh ([www.labour.gov.bn](http://www.labour.gov.bn)), Facebook (Jabatan Buruh, Negara Brunei Darussalam) dan Instagram ([labour.brunei](https://www.instagram.com/labour.brunei)), atau datang terus ke Ruang Legar, Tingkat Bawah, Bangunan Jabatan Buruh, Jalan Dewan Majlis, Bandar Seri Begawan, Brunei Darussalam.

Disediakan oleh : **Jabatan Buruh, Kementerian Hal Ehwal Dalam Negeri.**